

# Pongel Bar (42) Din Khon Isa.i Gharon'jren Bar Boeha Kur.ikin An'gen Akana

Calaoen serma reak' 28 December akoak' hor.o khet ka.mikin senlena Rumila Mardi (14) ar ac'ren kattic' boeha Maria Mardi (6). N'el n'elte 42 din do parom calaoena. Unkin do ar or.ak' bakin ruar. akana. Okatekin senena, onkinak' molon're cet' ceka akana-okooge bako la.i dar.eak' kana. A.kinren en'gat' Aroti Murmu ak' me't' dak'ge nitok' bhorsa.



এই মেরে শার নাম রুমিলা (১৪) এবং  
তার ছেট বোন মরিয়ম (৩)  
তাদেরকে গত ২৮ ডিসেম্বর ২০২২ খ্রি;  
থেকে নির্বোজ রয়েছে।  
সুজে পাওয়া যাচ্ছে না।

## দুই জন নির্বোজ

কেউ যদি এই মেরেদের কে দেখে  
থাকেন বা বৌজ পান দয়া করে  
পুলিশ/চান্দপুর মিশনে যোগাযোগ  
করার জন্য অনুরোধ করা হলো।

রুমিলা (১৪বর্ষ), মরিয়ম (৩ বর্ষে ৪ বর্ষ) মোবাইল: ০১৫২০-১২৫৮৫০, ০১৫২৯-৪১৫১০০

Naogaon reak' Porsha thana reak' Phulbaria Baghdanga atore noa ghot.na ghot.ao akana. Bad.ae n'am akana, or.ak' khonak' adha kilometer sa.n'gin' re akoak' hor.o khetre setak're ka.mikin senena, tikan ber or.ak' rua.r. ok' reak' katha tahe~kana menkhan bakin ruar. hec' akana. Dosar din ad.epase per.a pa.rua. koak' or.ak' senkatec' khoj ko hataokeda, ond.e ho~ bakin sen akana onkin boeha do. 29 December onkin ren en'gat' Aroti Murmu do Porsha thana re kur.ikin at' akantae babotre na.lisket'a menkhan Pulis do ja~ha~n report bako file akada. Ond.enic' girja. Father pulis t.hene senen re Pulis do 5 February mit't.en mamla ko hataokeda. Porsha thana ren bharapon a.piser Johirul Islam doe bad.ae ocokeda je, onkin boeha kur.i n'amkin lagit'te kurumut.ure menak'ko a mente.

---

# HSC Bid.a.u Reak' Jo Sodorena

Tehen' do HSC (Higher Secondary School Certificate) bid.a.u reak' jo sodorena. Budhbar (08 February) setak' bela Maran' montri Sheikh Hasina do noa joe sodorkeda. Maran' montri ak' ka.mi t.ha.^i reak' Chameli holl re jo sodor reak' ko akhr.aleda. Jo sodor lahare Sikhna.t montri Dipu Moni do jo reak' khat.o biboron maran' montri tire caladea. Ina.kate joto board ren Chairman ko do akoak' apan a.pin board reak' jo maran' montri ko caladea.

Ona okte selet'ko tahe~kana Sikhna.t upomontri Mohibul Hasan Chowdhury Naufel, Sikhna.t ren socib, Karigori ar Madrasa sikhna.t bibhag ren socib selet' board sa^o jopor.ao menak'ko ka.mia.ko. Calaoen 6 November HSC bid.a.u do ehop'lena. Nia. dha. are (9) got.en sadharon sikhna.t board, Madrasa ar Karigori board mila.ukate gelmit' (11) got.en sikhna.t board reak' tabere mot.re gelbar (12) lakh pe (3) hajar pon sae eyae (407) got.en pa.t.hua. bida.u ko emleda.

---

## Amak'ge Joto

A.d.i din lahare mit't.en phukir hor.e tahe~kana. Uniak' nu'tum do sahib. Jua.n oktere uni do a.d.i mon'jte dine khemaoet' kan tahe~kana. Ja~ha^n haron kost.o ban' tahe~kantaea. Uni sahib do hara jua.nen khan

ko bapla keda. Baraea kuri gidra kin hoyentaea ar gharon'j reak' khoroc' ho~ ba.r.ti idiyentaea. Juri-pa.r.i jaogekin jhogr.ak'a ar pa.ura kin n'u~ia. Ar nonkate unkinak' khoroc' ba.r.ti idiyen khan a.d.i haron kost.o rekin par.aoen. Uni hor. do rin hatao kate gharon'j calaoe ehop'ena , menkhan d.her din do bae calao dar.eada.

Mit'din do a.d.i bhabna selet' or.ak' khone ond.okena ar mit' st.eson re gitic' an'gayena. Jom la.git' cet' t.aka ho~ ba.nuk'taea. St.esonre ac' leka etak' hor.e n'elet' koa ar thor.a t.akae koeket'ko. Onko modre mit' hor. doe dayawadea ar thor.a t.akae emadea are metadea dela in son'ge atotelan' calak'a ar adolan' koe bar.aea. Ar onkate uni sahib do koe phukire hoyena ar dina.m dine koe bar.aea.

Mit'din uni phukir do aema caole koe jarwakeda ar mit't.en sim ho~e koe n'am akadea. Ar un okte tики tarasin' tahe~kana. Ado uni phukire menkeda ar caole do ba.n' koea, ja~ha~e t.hen dakan' koe jon'ak'a. Koe koete mit' or.ak'e senena are metako kana daka jom ocoin'pe. Un okte ona orak're mit' baba hor.e tahe~kana. Uni do uni phukirak' caole ar sim n'elte men got'keda he~ dela hijuk'me dakan' jom ocomea.

Uni hor. do phukirak caole ar sim hatao katec'e metadea, " phukir baba, do pukhrite calak'me ar d.abra. hijuk'me , ado nahak' lolo dakam joma." Pukhri do thor.a pharak' n'ok're tahe~kana ar ona oktere uni hor. do phukir babaren sime goc' keda are isin basan'keda. Ado phukir baba daka utui emadea are metaekana , phukir baba jotoge amak'kana, in'ak' do eken hoe (batas). Unre phukire menkeda, am lekan bhage hor. do banuk'ko. Ado bid.a. oktere caole ar sime koye kana. Uni hor.e menkeda amak' caole ar sim amgem jomkeda. Unre phukir do a.d.i kajak'e ran'gaoena are metadea am lekan baric' hor. do tisho~ ohogen' n'el akaw

---

# Rajshahi Reak' Poba re Pahar ia Ja tikoak' Pit ha. Parbon

Rajshahi Poba reak' Miyapur re a.divasi Pahar ia ja.tigost.hi ren hor koak' na.wa.i porob n'utumte pit ha parbon, galmarao sabha ar ra.ska.jon' reak' akhra hoe pura uena. Akhra are ona ad.epase ren maejiu ko nana parkan pit ha, benaokate manotanko saman.at'ko. Rajshahi bibhagio Khudro Nrigosthi Cultural Academy ak' bondoboste At.hwar hilok' (05 February 2023) a.yup' bela noa parbon do hoyena. Akhra a.yur re tahe~kana ona Academy ren Research apiser Benjamin Tudu.



Bises per.a lekate set.ere tahe~kana Premtoli Degree College ren Professor Jogendronath Soren, Ona atoren ma.n'jhi har.am Jakarias Murmu, Swapon Biswas ar sa~o gor.oic' Mondol Basil. Rajshahi Bibhagio Khudro Nrigosthi Cultural Academy ren songit prosikhok Manuel Soren ak' a.k'yurte akhra are johar katha selet'e ror.keda, songit prosikhok Kobir Ahmed Bindu. Set.ere tahe~kana gobesona sohokari Md: Shahjahan. Ina. chad.a ho~ set.erko tahe~kana Pahar ia mod khon mit'bar mukhia, ar sa.da.i hor ko. Benjamin Tudu doe nonkae menkeda, Rajshahi Khudro Cultural Academy do onkoak' adogok'kan legcar sap' dohoe ar ra.khi jogao re gor.o gopor.o la.git' ka.ud.i sec'te ar aema lekan ka.mihora ko hataoet' kana mente la.i sad.ekeda. Jemon do nonkate noko ja.tigost.hi koak' a.ri.ca.li, legcar jaejug jia.r. tahe~ idik'.